



Broj: 16-12-16-2-4636-10/15
I. Sarajevo, 09.06.2015. godine

Na osnovu člana 64. stav (1) tačka b), člana 70. st. (1), (3) i (6) Zakona o javnim nabavkama ("Službeni glasnik BiH", broj 39/14), na preporuku Komisije za provođenje postupka nabavke broj 16-12-16-2-4636/15 od 04.06.2015. godine, u postupku javne nabavke pružanja internet usluga za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u konkurentskom zahtjevu za dostavljanje ponuda za javnu nabavku pružanja internet usluga

Član 1.

Prihvata se preporuka Komisija za provođenje postupka nabavke broj 16-12-16-2-4636/15 od 04.06.2015. godine i okvirni sporazumi za javnu nabavku pružanja internet usluga za potrebe Državne agencije za istrage i zaštitu dodjeljuju se i to:

- LOT-1 - pružanje usluga internet konekcije u Bijaću i Tuzli, ponuđaču BH Telecom d.d. Sarajevo, ponuda broj 16-12-16-2-4636-8/15 od 26.05.2015. godine, za ponuđenu cijenu 1.488,00 KM;
- LOT-2 - pružanje usluga internet konekcije u Banja Luci i Istočnom Sarajevu, ponuđaču Telekomunikacije Republike Srpske a.d. Banja Luka, ponuda broj 16-12-16-2-4636-7/15 od 26.05.2015. godine, za ponuđenu cijenu 30.516,00 KM i
- LOT-3 - pružanje usluga internet konekcije u Mostaru, ponuđaču JP Hrvatske Telekomunikacije d.d. Mostar, ponuda broj 16-12-16-2-4636-6/15 od 26.05.2015. godine za ponuđenu cijenu 1.200,00 KM.

Član 2.

Ponuđači iz člana 1. ove odluke: BH Telecom d.d. Sarajevo i JP Hrvatske Telekomunikacije d.d. Mostar obavezuju se da u roku od pet dana od dana prijema iste ugovornom organu dostave dokaz o ispunjavanju uslova iz tač. 3.1.1 i 3.1.3 Konkurentskog zahtjeva (orginal ili ovjerena kopija).

Član 3.

Prijedlog okvirnog sporazuma o javnoj nabavei dostavit će se na potpis izabranim ponuđačima, po proteku roka od 15 dana, računajući od dana kada su svi ponuđači obaviješteni o izboru napovoljnije ponude.

Član 4.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 5.

Ova odluka objavit će se na web stranici Državne agencije za istrage i zaštitu, istovremeno s upućivanjem ponuđačima koji su učestvovali u postupku javne nabavke.

Član 6.

Ova odluka stupa na snagu danom donošenja.

O b r a z l o ž e n j e

Postupak javne nabavke pružanja internet usluga za potrebe Državne agencije za istrage i zaštitu (u daljem tekstu: Agencija) pokrenut je Odlukom direktora Agencije broj 16-12-16-2-4636-1/15 od 13.05.2015. godine, procijenjene vrijednosti 34.740,00 KM na godišnjem nivou, bez obračunatog PDV-a, za šta su novčana sredstva predviđena u okviru budžetskih sredstava za 2015. godinu. Postupak javne nabavke proveden je putem Konkurentskog zahtjeva, za koji je obavještenje objavljeno na Portalu javnih nabavki broj 1161-7-1-383-3-9/15 od 15.05.2015. godine.

Komisija za provođenje postupka nabavke (u daljem tekstu: Komisija) dostavila je Izvještaj o radu broj 16-12-16-2-4636/15 od 04.06.2015. godine sa preporukom o izboru najpovoljnijeg ponuđača u postupku javne nabavke pružanja internet usluga za potrebe Državne agencije za istrage i zaštitu.

Na osnovu dostavljenog Izvještaja o radu Komisije utvrđeno je da je predmet nabavke podijeljen na lotove kako slijedi:

- LOT-1 - pružanje usluga internet konekcije u Bihaću i Tuzli, procijenjene vrijednosti 1.500,00 KM, bez uračunatog PDV-a;
- LOT-2 - pružanje usluga internet konekcije u Banja Luci i Istočnom Sarajevu, procijenjene vrijednosti 30.720,00 KM, bez uračunatog PDV-a i
- LOT-3 - pružanje usluga internet konekcije u Mostaru, procijenjene vrijednosti 2.520,00 KM bez uračunatog PDV-a.

Komisija je blagovremeno i pravilno izvršila otvaranje i ocjenu prispjelih ponuda, o čemu je sačinila odgovarajuće zapisnike.

Ukupan broj pristiglih ponuda je tri i to:

Redni broj	Naziv ponuđača	LOT	Vrijednost ponude (bez PDV-a)
1.	JP Hrvatske Telekomunikacije d.d. Mostar	LOT-3	1.200,00 KM
2.	Telekomunikacije Republike Srpske a.d. Banja Luka	LOT-2	30.516,00 KM
3.	BH Telecom d.d. Sarajevo	LOT-1	1.488,00 KM

Sve pristigle ponude blagovremeno su zaprimljene.

Ponudaci ispunjavaju formalno-pravne uslove predvidene Konkurentskim zahtjevom, podliježu preferencijalnom tretmanu domaćeg i ne premašuju procijenjene vrijednosti po lotovima.

Komisija je u cilju ocjene tehničke i profesionalne sposobnosti ponuđača, od stručnih lica Sektora za operativnu podršku tražila mišljenje po pitanju zadovoljavanja postavljenih tehničkih uslova iz Konkurentskog zahtjeva.

Aktom od 01.05.2015, godine Sektor za operativnu podršku obavijestio je Komisiju da dostavljene ponude za pružanje internet usluga (LOT-1, LOT-2 i LOT-3) zadovoljavaju tehničke uslove tražene Konkurentskim zahtjevom.

Nakon pregledanja dokumentacije priložene uz dostavljene ponude Komisija je u smislu člana 65. st. (1) i (2) Zakona ocijenila ponude kvalifikovanih ponuđača, primjenjujući kriterij najniže cijene tehnički zadovoljavajuće ponude iz tačke 8. Konkurentskog zahtjeva i sačinila rang listu ocijenjenih ponuda, kako slijedi:

Redni broj	Naziv ponuđača	LOT	Vrijednost ponude (bez PDV-a)
1.	JP Hrvatske Telekomunikacije d.d. Mostar	LOT-3	1.200,00 KM
2.	BH Telecom d.d. Sarajevo	LOT-1	1.488,00 KM
3.	Telekomunikacije Republike Srpske a.d. Banja Luka	LOT-2	30.516,00 KM

Nakon provedenog postupka ocjenjivanja dostavljenih ponuda, Komisija je utvrdila da je najpovoljniji ponuđač za LOT-1 - BH Telecom d.d. Sarajevo, za LOT-2 - Telekomunikacije Republike Srpske a.d. Banja Luka i za LOT-3 - JP Hrvatske Telekomunikacije d.d. Mostar.

Shodno navedenom, prihvaćen je prijedlog Komisije i odlučeno je da se predmetni okvirni sporazumi dodjele ponuđačima kao u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 3x,
- Sektoru za mat.-fin poslove,
- a/a.

